

畢節縣志稿

四

畢節縣志稿卷九

學校志

學宮 書院 鄉飲酒禮附

膏火田附

送學禮附

學校之設所以明倫紀正風俗育人材典至鉅也邑學建自前明屢有修葺

國朝祔建名宦鄉賢忠義節孝四祠於大成門外嗣後復敬遵會典置備祭器祭品樂舞如制春秋釋菜彌彰誠敬矣外建書院義學以廣陶淑多士肄業其中可不單自濯磨俾處為端士出為循良期無負二百餘年

盛世作育之雅化乎志學校

學宮

貴州通志畢節縣學在南門外虎踞山舊為衛學明正德三年指揮唐諫建隆慶六年兵備道沈聞遷於東門外萬曆十八年兵備道陳性學復遷於今地

國朝康熙二十六年改衛為縣因為縣學三十一年知縣方瑞合重修四十四年教諭張鯤捐建明倫堂雍正四年知縣介錫周七年知縣李曜前後增修

府志畢節縣之學始自明正統三年衛指揮唐諫以所居地奏請建學在今縣治之左邊隆慶六年兵備道沈聞遷於東門外青螺山萬曆十八年兵備道陳性學復遷於南門外虎踞山天啓五年遷於城內英濟祠下

國朝順治十八年兵備道王國鼎遷於城中長慶山之東北隅
康熙二十九年知縣方瑞合改遷於長慶山正中其地為
明指揮李燦斗千戶胡大椿故宅其後裔李重熙胡璟胡
瓚胡瑄捐以建學乾隆十四年知縣凌均重修生員葛鄰
純葛鄰奎葛鄰蒼又獻近左地入學其制大成殿五間東
廡五間西廡五間大成門七間左右小屋舊以祀名宦鄉
賢歲久傾圮乾隆十四年改修為更衣房五間別於門左
增名宦祠三間門右增鄉賢祠三間櫺星門內石坊一櫺
星門大方一乾隆二十年知縣董朱英建泮池雍正十年
知縣李曜鑿乾隆二十年知縣董朱英修濬建橋池上左

坊曰禮門右坊曰義路乾隆二十年知縣董朱英建外有紅牆左右門曰蛟騰曰鳳起乾隆十四年增建紅牆外牌坊二左曰金聲右曰玉振乾隆二十二年知縣董朱英建崇聖祠一間舊在正殿後之西北隅乾隆十四年改建於正殿後之正中易為殿三間內設神龕五明倫堂三間在學宮右其後即學署道光二十八年邑人建德配天地道冠古今二坊於左右易櫺星門為磚坊咸豐八年邑人拆德配天地道冠古今坊於宮牆左右中間各添建一門復櫺星門為石坊并易金聲玉振兩木坊為石坊經各匪竄擾鄉人避難其中牆壁多壞同治十年知縣王正璽修葺

置侑舞祭器黔省外屬州縣典禮之興不嫌自畢邑為創

始也洪武初既齊一修畢節縣學碑記畢節縣居黔西陲在明

統三年指揮唐諫請建衛學諫武人而為興賢育才計亦

賢矣哉嗣是修葺不一及天啓壬戌水西之變而學官鞠

為茂草矣我朝因時建革康熙二十六年改衛為縣因

為縣學時雖兵未久甫安衽席無以崇祀事而大訓行淳

安方進士瑞合來令茲土食經俸百金率子弟合謀作之

復請積穀百石充工之人食經理匝歲而正殿告竣兩廡

啓聖宮明倫堂以及戟門櫺星門猶未就緒捐百金以繼

之又請以賑穀二十石佐之兩捐兩請士爭竭輸民樂趨事粟不紅朽工不溢程而廟貌一新此為善治之火者也乃索記於余余惟聖學之不明久矣即禮樂文物相傳美備科第甲乙蔚起聯翩所稱名邦勝區求實有得於聖賢之心學者亦不數觀也況黔疆荒僻乎然而秉好德人心中所不言而同然者不以遐荒異也黔自陽明先生謫居龍場所以致良知之學昌明於世苗蠻無不憬悟信從相傳於今百有餘年矣方今天子文教誕敷薄海內外無不知建學明倫以成一道同風之盛邇來習帖括制義者

亦皆厭靡靡之文以為塵羹土飯而競求於大雅正始之音言必準諸六經文必師乎八家駸駸乎明體達用即制舉業而學在矣黔省舊有陽明書院前撫以時徵諸生講讀其中畢節雖遠其秀達者亦與焉方今在浙久講陽明之學者也所輯海昌學規彷彿古禮樂之遺率其邑子弟習之有素今更新學宮被服絃誦吾知其必有傳微言於未墜者也余謂今之教書院士子者首以小學端其本次以大學衍義擴其識間及於論策記說以馳騁貫穿乎經史百家之林庶士子學有實用至於心學之微蓋不敢輕言而亦未嘗不寓焉其上者能自悟夫無所為而為者本心也良知也性體也以陽明之學由茲可闡乎因方令之徵文遂書此以詢其體所以教者與余同異何如並欲傳示全黔士子知制義帖括之外大有事在其於國家文治之盛與夫建學造士之意庶少效一得云爾附葉商重修畢節縣學碑記予奉命督黔南學於戊辰秋巡試大定其所屬州三曰黔西曰威寧曰平遠邑一曰畢節而畢節文風獨甲於一郡其應試之士亦獨多蓋其地有銅鉛鼓鑄之利民物湊集既富而穀固其勢然也今年秋予又試大方畢令凌君乃以其邑之學記為請其言曰畢節建學於前明正統之四年興廢不一至本朝康熙二十八年

年有方令改遷於城內之長慶山即今之學宮也顧其規
制未備加以風雨飄搖漸就傾圮修葺之責某惟力是視
不敢辭如建大門五間高大倍於前於鄉賢附祀於兩
內今乃改建大門五間高大倍於前於鄉賢附祀於兩
今鄉賢各三間崇聖祠舊止一間又在大成殿後之西
紅牆舊逼泮池前餘空地為畝牧場今擴而充之又增
騰蛟起鳳二間明倫堂在教諭署前舊偏左今改建中
增儀門三區訓導舊無官署寄居義學今於左偏隙地修
訓導署一區計費白金八百餘兩某捐四分之一其餘皆
邑之紳士樂輸無少吝董其役者為教諭王君玠經始於
己巳之三月月初旬至八月下旬訖工請為文以記之予
先王建學之意原以興賢育才其為教之法載在周禮及
大小戴者至詳且備士之從事於此者皆當以聖賢為師
非徒取其文而傳後者尚已茫然乎其未有一郡而於古
所以信今而傳後者尚已茫然乎其未有一郡而於古
志固不能提人之學者自勵乎使者三年之中歲科兩試其
勢固不能提人之學者自勵乎使者三年之中歲科兩試其
作興之庶乎其有濟耳今凌君為令願不徒以簿書期會
為兢兢獨加意作人以振起斯文為己任凌君可謂知所

星餘集卷之九
本者歟而畢之士於是役也聞其令之一唱遂翕然響應
其財不賦而羨其工不速而成則其孜孜於學而異日之
有德有造胥可於斯卜
之矣廼不辭而為之記

欽頒匾額

康熙二十三年

欽頒萬世師表匾額

雍正四年

欽頒生民未有匾額

乾隆三年

欽頒與天地參匾額

嘉慶三年

欽頒聖集大成匾額

道光元年

欽頒聖協時中匾額

咸豐元年

欽頒德齊懋載匾額

同治元年

欽頒聖神天縱匾額

康熙二十八年

欽頒御製

先師孔子贊并序

蓋自三才建而天地不居其功一中傳而聖人代宣其蘊有
行道之聖得位以綏猷有明道之聖立言以垂憲此則正學
所以常明人心所以不泯也粵稽往緒仰溯前徽堯舜禹湯
文武達而在上兼君師之寄行道之聖人也孔子不得位窮
而在下秉刪述之權明道之聖人也行道者勲業炳於一朝
明道者教思周於百世堯舜禹湯文武之後不有孔子則學
術紛淆仁義湮塞斯道之失傳也久矣後之人而欲探二帝
三王之心法以為治國平天下之準其奚所取衷焉然則孔
子之為萬古一人也審矣巡省東國謁祀闕里景企滋深敬
擣筆而為之贊曰清濁有氣剛柔有質聖人參之人極以立

行著習察舍道莫由惟皇建極惟后綏猷作君作師垂統萬
古曰惟堯舜禹湯文武五百餘歲至聖挺生金聲玉振集厥
大成序書刪詩定禮正樂既窮象繫亦嚴筆削上紹往緒下
示來型道不終晦秩然大經百家紛紜殊途異趣日月無踰
羹牆可晤孔子之道惟中與庸此心此理千聖所同孔子之
德仁義中正秉彝之好根本天性庶幾夙夜勗哉令圖溯源
洙泗景躅唐虞載歷庭除式觀禮器摘毫仰贊心焉遐企百
世而上以聖為歸百世而下以聖為師非師夫子惟師於道
統天御世惟道為寶泰山巖巖東海泱泱牆高萬仞夫子之
堂孰窺其藩孰窺其徑道不遠人克念作聖

康熙二十八年

欽頒御製四配贊

顏子贊

聖道蚤聞天資獨粹約禮博文不遷不貳一善服膺萬德來
萃能化而齊其樂一致禮樂四代治法兼備用行舍藏王佐
之器

曾子贊

洙泗之傳魯以得之一貫曰唯聖學在茲明德新民止善為
期格致誠正均平以推至德要道百行所基纂承統緒修明
訓辭

子思子贊

於穆天命道之大原靜養動察庸德庸言以育萬物以贊乾
坤九經三重大法是存篤恭慎獨成德之門卷之藏密擴之
無垠

孟子贊

哲人既萎楊墨昌熾子輿闢之曰仁曰義性善獨闡知言養
氣道稱堯舜學屏功利煌煌七篇並垂六藝孔學攸傳禹功
作配

順治九年

欽頒卧碑文

朝廷建立學校選取生員免其丁糧厚以廩膳設學院學道
學官以教之各衙門官以禮相待全要養成賢才以供朝廷
之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非為者
子既讀書明理當再三懇告使父母不陷於危亡

一生員立志當為忠臣清官書史所載忠清事蹟務須互相
講究凡利國愛民之事更宜留心

一生員居心忠厚正直讀書方有實用出仕必作良吏若心
術邪刻讀書必無成就為官必取禍患行害人之事者往
往自殺其身常宜思省

一生員不可干求官長交結勢要希圖進身若果心善德全
上天知之必加以福

一生員當愛身忍性凡有司官衙門不可輕入即有切己之
事止許家人代告不許干與他人詞訟他人亦不許牽連
生員作證

一為學當尊敬先生若講說皆須誠心聽受如有未明從容
再問毋妄行辯難為師亦當盡心教訓毋致怠惰

一軍民一切利病不許生員上書陳言如有一言建白以違
制論黜革治罪

一生員不許糾黨多人立盟結社把持官府武斷鄉曲所作

文字不許妄行刊刻違者聽提調官治罪

碑石今立明倫堂左

康熙四十一年

欽頒訓飭士子文

國家建立學校以興行教化作育人材典至渥也朕臨馭以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比來士習末端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之

從來學者先立品行次及文學學術事功原委有序爾諸生